

կրօնաւորն : Զծերսն 'ի բանա մատնէին և զերիտասարդս  
'ի գանս և 'ի կալանս և յաքսորս խկ : զվարդապետս հա-  
լածէին՝ զի մի՛ քարոզեացեն զճմարտութիւն Բանին կե-  
նաց : իսկ եթէ համարձակէր ոք հակառակ նոցին բան ինչ  
խօսել , գանակոծ և վատահամբաւ հալածէին զնա : Եկն  
'ի սմին ժամանակի 'ի Կոստանդինուպօլիս Յովհաննէս վար-  
դապետ Բաղիշեցի՝ միաբան Ս . Կարապետի՝ որ 'ի Տարոն ,  
'ի ժողովել զողորմութիւն վասն նորոգութեան վանաց ,  
որոյ առաջնորդ էր Գրիգոր վարդապետ Ամրտուլցի , որպէս  
գրի 'ի մեծ և 'ի փոքր կնիքս նորին , կամ Բաղիշեցի : Եւ  
երկօքին սոքա Գրիգոր եւ Յովհաննէս էին աշակերտք  
Վարդանայ վարդապետի՝ առաջնորդի Վանաց Ամրորդւոյն՝  
որ 'ի Բաղէշ , յորմէ երկօքին եւս կոչեցան Բաղիշեցի :

Եւ զի սա ինքն Յովհաննէս վարդապետ ունէր պար-  
կեշտ վարս , և խոհական միտս և առատութիւն բանից 'ի  
քարոզս , Պատրիարքն Կոստանդինուպօլսոյ Սահակ վար-  
դապետ՝ սիրով ընկալաւ զնա :

Տեսեալ և մեծամեծացն Հայոց՝ խորհուրդ արարին 'ի  
միջի իւրեանց , առաքել զայնպիսի այր առաքինի՝ որ զօ-  
րաւոր է 'ի բանս եւ 'ի գործս , յերուսաղէմ . ճար առնել  
Աթուոյն Ս . Յակոբայ՝ , եւ հնարս գտանել ազատութեան  
'ի պարտուց : Ապա միակամ հաւանութեամբ ընտրեցին  
զնա Տեղակալ Երուսաղէմի եւ Փոխանորդ Պատրիարքի ,  
եւ առաքեցին անդր , որպէս և ինքն ասէ . հրաւիրմամբ  
և ստիպմամբ աստուածասէր ժողովրդոց եւ յորդորմամբ  
Տեսառն Իսահակայ Պատրիարքի գահին Ս . Սաղիմայ , հար-  
կեցաք տանել զողորմութիւն հաւատացելոցն 'ի Ս . Երու-  
սաղէմ , և ծառայել Աստուածակոխ Տեղեացն : Յղեցին ընդ  
նմա և զիսրայէլ վարդապետ , որ կոչեցաւն Պօղոս , իրր  
գործակից նմա : Իբրեւ եհաս Յովհաննէս վարդապետ յԵ-  
րուսաղէմ , և ետես զաղետալի վիճակ վանաց և եկեղեց-  
ւոյն , որպէս ինքն ասէ . այնպէս հարին ազահուութեան  
ախտիւ , մինչ չթողուլ 'ի նմա մասն առողջութեան : Եւ  
ջանաց ամենայն զօրութեամբ ազատել զայն 'ի թշուառու-  
թեանց անտի : Ազատեաց զմին 'ի վանօրէից 'ի վաճառե-  
լոյ , զոր եղեալ էին 'ի գրաւի , և զկանթեղս Գերեզմանին  
Քրիստոսի՝ 'ի Լատինաց , և զպարտէզն Ս . Հրեշտակապե-